



KOMUNIKADO PA PRENSA

Fecha

18 di sèptèmber 2015

Accountmanager

Jhanirha Da Costa Gomez-Anita

Email

jhanirha.anita@gobiernu.cw

EKSITOSO SESHON DI INTERKAMBIO DEN BARIO DI BRIEVENGAT.

Willemstad - Ministerio di Trafiko, Transporte i Planifikashon Urbano, riba inisiativa di Minister Camelia-Römer, a reuní resientemente ku habitantenan di Brievengat durante di un anochi di interkambio. E anochi aki tabata eksitoso. Habitantenan tabata kontentu ku a aserka nan pa risibí nan komentario i ideanan riba plannan pa adaptashon di infrastruktura ku e ministerio ke implementá.

Servisio pa Planifikashon Urbano (ROP) a splika ku maneho di e ministerio ta pa bin ku proyektonan ku ta mehorá infrastruktura i espasionan públiko den barionan. Esaki ta kontribuí na alsa kalidat di bida, balor di e espasionan aki i ta buta e hende sentral.

Tambe a enfatisá e importansia di espasionan públiko pa e bida sosial den bario. Nan por ta lugánan pa topa ku otro, organisá aktividat, i traha riba identidat di bario. Algun ehèmpel di barionan den kual a implementá e konsepto aki ta Fleur de Mari, Soto, Cocowijk.

A papia tokante diseño di un posibel plenchi ku lo ke konstruí den Brievengat. E plenchi lo mester ta un sitio kaminda lo por rekrea i tene aktividatnan pa bario. Den e diseño a tene kuenta ku seguridat di e plenchi, pa e ta atraktivo pa usarionan, pa e ta duradero, asesibel i agradabel.

C-POST tambe a hasi uso di e okashon pa splika tokante e sistema di repartishon di pòst nobo ku lo ke introdusí den e bario.

Pa loke ta tur e tópikonan ku a bin dilanti, habitantenan a duna nan pensamentu i sugerenshanan. Awor ta tarea di e ministerio pa evaluá e puntonan aki i hasi ahuste na e plannan ku lo bai ehekutá. Minister Camelia-Römer i huntu ku su ministerio ta gradisí tur habitante pa nan partisipashon aktivo na e seshon aki.

Próksimamente lo tin mas seshon pa mas barionan rònt Kòrsou.